

MANIPUR AREA CHOIR

(2018 – 2020)

Convenor – *Tv. S.T. Satboi*

Conductor – *Tv. Lunmuanthang*

MEMBERS

- | | |
|---------------------|------------------------|
| 1. S.T. Joy Vaiphei | 2. Thanglallawm |
| 3. Mangzakhum | 4. Thanglalle |
| 5. E.L. Lunlam | 6. Kamlemmuan |
| 7. J.S. Paulunthang | 8. Paulalsawm |
| 9. Khamlallian | 10. Henlaljoy |
| 11. Lamsiamlian | 12. Lamgenson |
| 13. Philimon | 14. Lynda Lamneiting |
| 15. Niangfelkim | 16. Tingpakkim |
| 17. Sangkim | 18. Hathoiniang |
| 19. Nemdoikim | 20. Tinglianmawi |
| 21. Hawineiphal | 22. Kimrose |
| 23. Tingbiakkim | 24. Rosy Chonglemthiam |
| 25. Niangneisiam | |

Manipur Area Choir Member thak te Pathian mapuina leh umpina chang ah masawn zel dingin Editorial Board in dawisakna ka hun lan u'i.



BANG ZIACA CHANCHIN PHA GEN DING?

Hinna Vak simtute zosia Missionary Day leh Pentecost Day Dawisakna chibai ka hun la'n hi.

Kum chengin May 7 hi Missionary Day a mang in Kochuamtinin thawlawm le i dawl zing sek ua. Zia chu Gamthim nasepna'n i mang sek u'i. Tichun, thagau mangthai tamtak Jesu keng bulin i pui thei u'i. Zia chu a hi ziakin Kochaumte'n bang ziaka Chanchinpha hi gen zing ziang ding i hui em ti ngaitua khawm hitiu.

1. **Khrista thu awi ziakin**

Lalpa Jesu Khrist thupiak chun, "*Khawvel mun tin ah chia a thil siam zosia kiang ah Chanchinpha gen ding ei ti*" (Marka 16:15). Mitinin i bawl chiat ding ua ei thupiak pawimaw ma ma chu a hi. A thu i zawp diu a hem i zawp lo ding uh ?

2. **Mipite hepina ziakin**

Lalpa Thupiak pani laka lopi diak pakhat chu "*Nangma la kihapi gualin la invengte le hepi in*" (Mk. 12:30,31)" ti hi a hi. La insung mi leh la invengte la hepi a hi chun (Mt. 5:44) amau le Vangam a kai ding uh chu khawksak ngei in la. Kua hita leh inveng hepi chun Chanchinpha gen loin um thei puan a.

3. Mawpuakna sukpitin ding

Chanchinpha gen hi i mawpuaknau a hi (II Cor 9;16; Lk. 17:10). I ko ua thil kinga sukpitin ding chu nang leh kei mawpuakna a hi tawp mai hi.

4. Leibat dit kitna a hi

Mite kiangah lei bat dit kit hi i mawpuaknau a hi (Rom 1:14,15). Khawvel zosia ah chanchinpha i gen masiau chu i lei bat uh piak/dit lo in um zing ding a hi.

5. Khrista hepina midangte kiang tung phak

Lalpa Jesu Khrista'n mipite chu a mu phatin, ching di neilo belum gual ah genthei leh chavai ah um chu a mu in a lainat ma ma a (Matt. 9:36). I Lalpau zani, tuni leh kumtuang a kidang ngai lo chun tuni ah mihingte chung a lainatana a lat sak zing hi. Zia chu nang leh kei sep makmaw ding khat a hi.

6. Lalpa belâm huangah belamte pui lut:

Lalpa chun belâm huang ah hilo belâm dang le ka nei nalai hi (Johan 10:16) a ti. Amau haw'n puilut kal a ngak zing hi. Amau haw puilut ding chu i mawpuaknau bep ei pua i hamphatnau le a hi.

7. Vân kipakna ding:

Zia khawvel ah i khawsak zing lai ua hin Chanchinpha mangcha mi pakhatin sual simna i nei thei sak uh a hi chun vân mite i kipak sak uh a hi (Luka 15:10).

Hinna Vak simtute zosia Chanchinpha nasep ngaikhawk zaw diak a thagau mangthai tamtak Hukdamna huangah puilut thei dingin Lalpa'n ei malzawl chiat ta hen!

Synod Khawmpi 94: Pastoral Committee thupukna dungzui in, Rev. Summinlian in May, 2018 tha a kipat Delhi Kochuam etkawl na sem ding in a guat a. Zia hun tun ma February, 2018 to April, 2018 sung Delhi Kochuam te enkawling in Synod O.M. in Rev. David Lalramliana Ralte, Bialtu Pastor Delhi Mizo Presbyterian Church a hung guat uh hi. Pastor David etkawl na nuai in Kochuam te'n pan nasa takin a kila, a bik takin Numei Pawl leh Khanglai Pawl te'n le ma a kisawn to zel hi.

Pathian mapuina zalin January 2018 a kipatin Delhi Kochuam ten theikham kham in Pathian Gam thawlawm a hung kithaw thei ta'n, ma a kisawn to zel a hi. March 2, 2018 Sunday a kipat in Sunday School le pat a hi ta'i. Tha khat ah Pathianni khatvei hi Sunday School bawling in pan a kila to zel a hi.

Kochuam thak taksa leh thagau ah bul pantil a kihi ziak in, kochuam te'n pawimaw le tam tak a kinei in, Pathian hatna suang zing kawm ah Kochuam mipi ten pan a kilak to zel theina dingin Kochuam te'n pauchapna lei hiatzing ding un ka hun dawn uh a hi. Kochuam det tak ah a chiato zel theina ding leh taksa leh thagau lam ah a chia hawi to zel theina ding in, Manipur Area, Presbyterian Kochuam mipi ten la pauchapna'u in hun hia zing dingin Khrista minin ka hun chial hi.

Kochuam Statistics:- Tutu ah Kochuam member zat chu 95 a hi.

Sd/- Lamboi Khaute
Asst. Secretary
Delhi Presbyterian Church

DELHI PRESBYTERIAN KOCHUAM CHANCHIN
CHAWMKIM

Delhi Presbyterian Kochuam hi Delhi khawpi ah Kochuam Dân leh Church Court ah kivaipuak nawpna leh Synod in India gam khawpi ah Church planting policy a siam zui in 15th October, 2017 (Sunday) ni'n NCUI Auditorium, Siri Fort, New Delhi mun ah kochuam ngaina mi tawmcha ten Rev. Laltingen malatna in kikhawp pat a hi.

November tha sung hi NCUI Auditorium ah kikhawp a hin, Sunday khat kikhawp man ₹ 20000/- ding a hung ti phatun zia mun hi nusia in, December tha apatin Hotel Southgate basement, Green Park ah January 2018 tiang kikhawp a hi. India Govt. apat innuai (basement) ah kikhawp lemlo ding order a hung suak kit ta. Unau Komrem Fellowship te kikhawpna Munirka in February leh March 2018 sung kikhawp a hi kit hi. Biakin search Committee te panlakna zalin April 2, 2018 (Sunday) ni apat in permanent deu ah kikhawp theina dingin United Church, Sec. 6, RK Puram ah Kochuam te kikhawp pat a hi.

Rev. Laltingen Chairman na nuaiin interim body in October '17 to Dec. '17 sung kochuam te puihuai in kum 2017 Khristmas leh Kumthak lim leh lawk takin Rev. K. Neihzial (Co-Ordinator) te nupan tawh Delhi Kochuam ten thawmhau lo takin mat zaw a hi.

Rev. C. Zoramawia, A.S. Manipur Areain 7th January, 2018 (Sunday) ni in Delhi Presbyterian Kochuam hawwna a hun nei in, kumkhat sung vaipaw ding Kochuam Committee – Secretary, Asst. Secretary, Treasurer, Finance Secretary, member 4(pali) Leh KNP & KKP Office Bearers ding te puandawna le a nei ngal hi.



MPCS MANIPUR AREA

Rev. C. Zoramawia
Administrative Secretary

1. Sum din mun:

Kum 2018-2019 dangka kum ah Kochuamten Pathian Gam Thilpiak pe pan kit thei dingin i um tau a, April 2018 ah thawlawm i piak dan uh chu zia gual hi a hi:

a) Pathian Gam Thilpiak Report (April 2018):

<i>Sl. No.</i>	<i>Budget Head 2018-2019 Budget</i>	
<i>April 2018 Receipt</i>		
1) Pathian Gam	1,80,00,000	15,85,536
2) Anchangham	27,00,000	2,55,955
3) Gamthak	98,40,000	8,81,222
4) Semtu Chawpna	12,00,000	1,09,830
5) Sacrament	1,50,000	43,918
6) Sunday School	72,000	3,463
7) Kichenna	8,000	1,200
8) Damdawi In	30,000	220
Total	3,20,00,000	28,81,344

b) Pastor Bial chuam chuam Pathian Gam sunlut dan: (April, 2018)

Sl.no	Bial	April, 2018	Thelut zat
1.	Imphal	4,71,705	01
2.	D. Phailian	4,54,038	01
3.	Lamka	4,36,337	01
4.	New Lamka	3,71,738	01
5.	Mata	2,15,341	01
6.	Kangvai	2,05,200	01

7.	Sugnu	1,66,408	01
8.	S. Kawtlian	1,23,108	01
9.	Delhi Kochuam	92,554	01
10.	Leilon	52,012	01
11.	Munpi	46,447	01
12.	Sharonphai	40,325	01
13.	Panglian	33,393	01
14.	Phaipheng	27,387	01
15.	Phailianbung	24,899	01
16.	Dumlial	21,402	01
17.	Kawlhen	19,984	01
18.	Jiribam	19,430	01
19.	D. Khawzim	17,821	01
20.	B. Phainuam	12,895	01
21.	Tungkyaw	12,500	01
22.	Nanphalong	6,500	01
23.	Chingmei	6,620	01
24.	Kalaymyo	3,300	01
25.	Leijangphai	-	-
	Total	28,81,344	

2. Bial Khawmpi mat zaw thu

Manipur Area sungah Bialtin ten Bial Khawmpi chu April 20-22 sungin kitup tak leh lawk takin mat zaw a hi ta'i.

3. Bial KNP Puitute Leadership Training –cum Seminar

Manipur Area Office sensona nuaiin Manipur Area huapa Bial KNP 'Puitute Leadership Training – cum- Seminar' chu April 24, 2018 nin Synod Hall,

la umdan apat hin zil ding tamtak mudaw'pha hial di'n ka hun gingcha'i.

Eima â ding bep ngaituana ziak ah nisîn i buaina te'u hin kipâkna bangma ei siampiak aum pua'i. Lawting ah i ki'hiat sekna te'u hile i lungngaina ding leh i kê-na ding bep a hizaw sek ei ve!

"Ka Lal Khrista ko-na gual ah Isak maicham ah ka kipiak chun malzawl na tuithiang lim na'n a hung luang.... "

A thupi nalawm lawm e aw! Khrista ko na gual ah Isak maicham ah kipia banggual mi ium tau em le! Taksa mamawte bep ngaituana ziak ah nisîn i khamtawka ua buai sek hizaw lo ihu ah em? Ahileh, Sawlchak Paul in "Taksa ah hing nalai ding ka hi chun, zia chu kei â dingin sep ga tampi sua'na hiding a hi" ati thumal hitawh kile'ngat veng veng mai ding ihu em? Ahipuai, zia chu hitheilo ding ahi. I dinmun tawh zil in Lalpa nasêm ah i pan na'u ahin kithalawp hitiu.

Nungzui te'n Lo'lâi ah bu'lêmte bawdaw a guat lâi ua khan Lalpa Jesu'n bang ti'n a dawnhu ta kha? "Hilo e, bulêmte la bawdawna lam un butak te le bawtdawka kha'n lau" ati ahikha.

Lo'lai ah chipha ngen tu ah i kihiat lâi unle bulêmte le a la umthei a hi chun, 'Khrista nungzuitu ka hi' ti zosia hile hukdam hi'suak khel pua'i tiu. Ahileh, dân zo kim ah kigêl ah muang tak ah um ziang te hile hukdam hi'suak khel lo ding i hi'zia'u chu hiatthei ahi. Ziakiachun, Lalpa leh a gam â ding ah i sep na'u ahin kithalawp mama hitiu. Midang sâng ah chanchûm/ chualchûm zaw zing thei ah um ihu chun "Bulêmte kha lakhawm masau inla, hâl ding in a lawm lawm in kân un" ati te lak ah pang hizaw kha hitiu ti lau aum takzet hi.

Taksa ah hing nalai ihi nau hi Thagau lam ga'sua zawkna ah i mattheina ding un, kithalawp mama kawm ah Lalpa nasepna ah pang thak thei chiat di'n Lalpa'n simtu zosia a thak tak in ei malzawl chiat taken, Amen.

KITHALAWP TAK AH LALPA NASEPNA

-Ashy Thianneilian
Chairman, CKNP, Manipur Area

"Kithalawp tak ah Lalpa nasepna" ti hi, thumal pawimaw mama khat in ka hia, muntin ah unau te'n le zia thu hih i ngaitua khawm ua, tu'sâng ah Lalpa na isep nau ahin kithalawp zaw diak ah i sep dinguh chu ka dawisakna leh ka kinepna lian mama chu a hi.

Himaleh, taksa ah hing nalai ding ka hi chun, zia chu kei â dingin sep ga tampi sua'na hiding ahi; ka têt zawk ding vang ka he diak puai.

Philippi 1:22

Sawlchak Paul kamsuak hih a thupi mama ziang hi. Lunggil tak ah ngaitua zing kawm ah ne'thei te vang chun, a hinkhua'h a hun mat dan te hawmthaw mama kawm in mitthi thiak pumin Lalpa nasep machâlna ding ah panthak a lâk ngei uh ginchat aum hi.

Thina chu a thalel him him pua, ahi'n, hing nalai ding ahi in le Lalpa leh a gam â ding ah ga tamzaw a suatheina ding hizaw mai ah a vak gen hin, Khrista gingtu leh gingthakte thinlung chu

vit nasa mama ding in ka ngaitua hi.

Matthai 6:11 na chun, "Nisîn ka nêkkhawp uh an ei pia'n" ti imuu hi. Zia chu i Lalpa Jesu'n i pauchapna dân ding ua eila hil ngei chu a hi.

Kumkhat sung nêkkhawp ding a ti pua, "Nisîn" a ti zaw a hi. Tu leh chate khang tiang â ding le ati diak pua, Nisîn nêkkhawp ding bep dawn ding in eila hil ahi.

La phuak tu chun, "Kei â dingah ka hin sung hin ka lim thei pua'i" a la ti kit hi. Zia'h lâ hi ngaitua thak inla, la lunggil ngaituana bék in vak sa'him him kit tia! Pathian gam â ding ah la nasep dân leh tuni hunah

I.B. Road mun ah a nei zaw a hi. Rev. Zoramawia, Administrative Secretary in 'KochuamNum Numei Pawl leh Sum Etkawl Dan' leh Rev. Kamkhotinthang Neihsial, Co-ordinator in 'Puitute Mawpuakna' thupite mangcha'n a zilsak u'i. Bial 20 apat in mi 199 a hung pang thei u'i. A hung khawm zosiate'n nitak An Nekhawmna le nei a hi.

4. PCI 43rd GENERAL ASSEMBLY

Presbyterian Church of India 43rd General Assembly chu May 2-6, 2018 sungin Fiangpui Presbyterian Kochuam, Halflong, Assam (Biateram Synod) mun a nei zaw a hi. Palai chiakhawm zosia zat chu 1342 a hi. Mizoram Synod apatin Palai 542 a chia thei u'i. Ziate lak ah chun Manipur Area apatin Palai 34 a va pang thei u'i (Minster/Pastor-26, Pro. Pastor-05 leh Upa-3). Assembly hin "Mizoram Synod apata Manipur Area Synod ah lânkai ding thu hung lut chu genkhawm a hia, Executive Committee in a hun bawzui a 2020 General Assembly a tut kit ding in phasak a hi."

5. Pastors' Retreat 2018

Manipur Area dingah a masapen dingin Pastors' Retreat chu May 1-16, 2018 sungin "Nangun a nêk ding uh piau in" (Matthai 14:16) ti thupi mangin Thangkai & Lungpau Hall, Area Office mun ah lawk takin mat zaw a hi ta'i. Thugentu chu Rev. Vanlalzuata, Mizoram a hi. Retreatna a hin mi 42 a pang thei u'i. Amaute chu Minister (Pensioner) -11, Minister (A/S Office) -3, Minister dang-1, Bialtu Pastor-22 & Pro. Pastor-5 a hiu.

THAGAU THIANGTHO LEH KOCHUAM AH A NASEP

*Rev. S. Khaikholam
i/c Kangvai Pastor Bial*

Thagau Thiangtho ti ah “thiangtho” kiti pen hi grammar ah adjective a hia, “Thagau” (Noun) hi banggual thagau a hi em ti hilchiantu a hi. A min mai a kipat hin le Thagau thiangtho lo, thagau buak le a um hi ti hiat thei ngal a hi. Zia thagau buak ziakin kochuam ah buaina tamtak a la um ta him a, zilchian leh hiatchian hi pawimaw tak a hi.

I Lalpau Jesu'n zia khawvel a nutsia ding ah gingtute lakah mutheilo ah a mau umpi zel ding ah hun sawl ding ah a tiam kha zia Thagau Thiangtho a hia, zia Thagau Thiangtho chu a ma Pathian ngei, taksa ah mu theilo ah chêng zing chu a hi. Pentikos ni ah zia Thagau Thiangtho in gingtute a hun pawl ni a kipat hin gingtute'n ginglote ma ang ah Lalpa Jesu chu Pathian a hi ngei hi tia a la dinpi ngamlo uh dawilawkna a kipat hansanna a hun nei tau ah. Jesu thawk lai ah panpi ngamlo himaleu le zia Thagau Thiangtho zia ah hangsan tak ah Jesu chu Pathian a hi ngei hi tia a hun tangko pi kit ngam tak zia

un vau leh sawisak in a la um ua, thi tiang ah ginum ah a la panna zalun zia chanchinpha chu hattak in a kithezak hi. Gingtu sawisakna zia ah muntin ah kithezak te chu a zam manna mun ua chanchinpha puangzaktu a hung hi zêl ua, tuni ah zia chanchinpha hin khawvel zelsuak ti ding a hi ta mai hi.

Thagau Thiangtho changte hindan:

1. Sawlchakte mang ah thil mak leh teptena tamtak bawl ah a umziak in mitin chu launa'n a dim tau a (Nas 2:43).

Sawlchak te chun a pian apat kengbai chu Jesu minin a

3. Et ding dik et hi kipakna a hi- Paula hin dan hi vak thil leu hin. Khrista ahiaatna lopi ziakin bangkim hi channan ah a ngai ta. Bangkim ah lungawi zêl ka ching ta'i a ti mai a hi. Suangkul ah a um lai inle, kochuamte kipak zing ding in a fui a. Et ding dik tak a et zia in a kipak ma ma ta a hi.

Lalpa ah chun hausa ah umdan a thiam, genhei a umdan a thiam hi. A et Jesu nungchang gual chu a hindan a hi ta a hi.

4. Et ding dik et hi mihing hinna haksatna zosia sukfelna a hi.

Eden suala liamta te, damlai puak gik in a del dente, lungngai a kapte kiang a hin kipakna leh kumtuang hinna a tun sek.

Bethlehem bawngin tawm a piang, ei â dinga sukgentheina thuaktu khraws lek ah khetden a um, thina zo ah tho kit kha i et chun i puakgik zosia ei sukkiam sak ding a hi.

“Nanguh sem gim leh puak gik paw zosiate haw, ka kiang a hung unla, keiman ala chawl dam sak ing ka” a ti kha.

Lalpa'n zia a chungu thu i gen te'u hi i bawn uh a dingin mal ei zawl piak ta hen. **Amen.**

ET DING DIK*Sam 123: 1-2; II Korinth 3:12-15*

Rev. Thianginlim
i/c Phailianbung Pastor Bial

HIN NA VAK Editor in Article zik dinga ei dawisakna gual in thiam lo tak chungin **'Et ding dik'** ti thupi mangin holimna chawmcha vak nei leuhin ka tia, zia a nuai a gual hin:-

Aw Nang, vante ah lalchutpha ah Chupa, nangma lam in ka mit ka hun te to hi! Suakte mit in a pu khut a et zing gual leh, suak nu mit in a pi khut a et zing gual in, zia gual chun, i Pathian Ja'ngaina, i chung ua a hung tun masang sia, i mit un Lalpa chu i et zing uh a hi (Sam 123 :1-2).

1. Israel chate khan Aigupta apawt sanna Tuipi san kan ah a umlai uh khan Lalpa lam en loin, Achia na ding uh Tuipi san a en ua, Chia ngaina a he puau a. A nung lam ua Pharoa sepia te'n a hung del ngal ua, a lungkham ma mau a hi. A chuti lai in Mosi chun lau kiun, um mai mai unla, Tuni hin Lalpa hukdamna nasep ding hi en mai un a ti'a (II Korinth 3:12-15).

2. Lota zi kha nunglam en lo ding a hiat sak a hia. Himaleh nunglam a et ziak in chikhawn a suak ta a hi. Sodom leh Gomorra sualna mak tak mai pawt san ding in Lota leh a zite hiatsak a hi'u khan kin gang tak a chia a, nunglam et lo ding ti a hi'a. Maleh sualna'n a kainawi damlona tawh a pawt ua, nung lam a et ziak in chi khawn a chang ta a hi.

su dam ua. Anania leh Saphira te kha le zuau a gen ziak un sawlchakte maang in a thi tau a, damlo tamtak leh thitha buak vawp a hun pui teu chu le a la sudam zel un, Peter lim (shadow) in a sukdam ding kinepna in damlo tam tak a hun paw dawk hial u'i. Ziagual lawm ah thilhitheina chu Jesu'n a hun sawl, Thagau Thiangtho thilhitheina ziak ngei chu a hi. Zia Thagau Thiangtho thilhitheina chu tuni tiangin kuale zia Thagau Thiangtho lua thei ding ah kisuwngthawl a kipawlp nuamte a ding ah piak a hi zing hi. Ahinla zia gual ah Thagau Thiangtho thuam ding dawn ah nasatak ah kipia le hi diaklo te chung in le a tung sek tho a, mak sak in a um sek hi. Zia hi mak sak takluat di ei pua'i. Pentikos ni ah Thagau hung tung kha le amau thagau changte lam pang ah va ha dawt bek ziak le a hi tuak pua'i. Jesu'n a tiam gualin a hung tung mai a, amau ma hin le mak sa'n nau. Tulai ah Thagau thilpiak chang ah, sukdam theina leh thilmak chuam chuam te hi

le va mawk lau thaw ding ei puai. Ahin lah thagau dik leh diklo nasep hi chu vang a ga ua kipat hiat thei a hi ziak in velchian leh hiatchian chu a kul hi.

2. A ging zosia chu a umkhawm ua, thil bangkim a kikawp ua, a thil nei teu leh a van teu chu zuak in a khawt zat u chu mitin kiangin a mamaw dungzui un a hawm sek u'i (Nas 2:44-45).

Zia hun lai a gingtute nei leh lam ah tulai hun gual ah kikhe bek bek lo le a hi mai thei ui Ahinlah mi hausa leh Lazar chanchinte, Job hausak dan leh mi hausa a nei zosia zuak ah genthei te kiang ah pe ding ah Jesu'n a hil pa chanchin te haw apat inle nei leh lam ah a kibat lo ding dan uh hiat thei a hi. Thagau Thiangtho nasepna longal chun zia gual ah bangkim kikawp ziang ding ah kiphalna chu a nei zaw te a ding ah thil haksa tak hin a. Tulai ah In sawng lopi tak tak nei te leh lâp In se nîp

nep nei te kikawp ding, ahilo leh car hawi tak tak nei te leh cycle bep nei te kikawp ding, vaisawm ziang ding chu thil haksa tak dingin a kilang a, a hin lah Thagau Thiangtho in na a sep chun thil um thei ma chu a hi. Ei haw ah Thagau Thiangtho in bang tiang in na a sem em, a hilo leh bang tiang na a sep ding i phal uh em ?

3. Nisîn in temple ah hun mang in Pathian a pak zing ua, mitin dawisakna a chang un, nisin in Lalpa'n a lak un hukdam ah um ding te chu a hun belap zel tai (Nas. 2:46-47).

Gingtu te kipawl khawm ah Pathian pakkhawm hi, khat leh khat kisukhattuana a hia, Pathian dawidan le a hi. A Biak in ah kipawl khawmna ngaikhaw lo ah mani thiam kichan ten mai hi chu a dik zo puai. Nisin a hi zaw lo tak in le kikhawp hun sin bek ah a Biakin ah ki pawlkhawmna ngaikhaw ding a hi. Zia hi kidawisakna leh kihepituana tawh le a kizui ngal hi.

Nungzui te nisin temple hinkhua apat kidawisak tuana te hung piang dawka, Pathian a pakkhawm nau hinkhua te chu khawlak, midang te lak ah a hun puakdaw uh leh hinpi ziakun nisin in Lalpa'n hukdam ah um ding mi a hun belap zel a hi. Tuni i kochuam Biak in hinkhua te hi midang te et in bangual hinkhua a hi diam? Mi te ngaichat kham hinkhua I siam dawka sek na diam uh? Genthei liangvai te bêl tâk leh bel nawp kochuam i hi' u a pawl mawi. Kochuam hul tak leh khanglo chu Thagau Thiangtho tasam a hi.

Kochuam ah thagau buak kisaklana :

Mak kasak ma ma pakhat chu You Tube ah ka mu khak, thagau buak nasep a hi. Nupi lâ pakhat sung a kipat Pastor in thagau buak naw daw gua'n nasatakin a kiko khum a, thagau buak in a lua nupi chun pawtdaw a guatlo dan a gen khum a, Pastor in a ziak a dawt leh nupi chun zia kochuam suse

tam a hi. Tuilithûk chu sangate a dingin bitna mun a hi. Ahinla sanga man mite a dingin a lau umna mun a hi get hi.

Chanchinpha nasepna ahin tuipi chungalên se guala tekhin ahi sek hi (Mat 13). Chanchinpha nasepna ahin mun nuam leh bial nuam, a nawpna mun a chun sêmtu chun gimtak a sem in hapan maleh aheto kal in Peter gual ahi kha thei hi. Bial khatah Kum 3-5 sung um a bial le lam chuam chuam masawanna um maleh thagau mangthai matna a um lo chu a lawsam del a hi. Thagau mangthaithe lunggil hi tuili thûk gual a hi. Thagau Thiangtho puihuaina lo ngal in matdaw ding gual hita lo ding ahi. Pathian thu he mama ahin lah hinna neilo, a kiangah thu gena

holimna chawmcha nei mai in a lunghei talo ding tam tak a um hi. Khawi tak mun a chun um le hing le i lawng a Lalpa Jesu a chuan ah a thupiak i zawp nak uh leh sanga(thagau) tampi tak man ding i hui. I chanchinpha hiatna buting lo tak apat Lalpa'n a malzawl na mu ti ung, zia phat chuleh "*Lalpa, kei migilo, mithumanglo, midukdaklo hi malzawl tâk ka hi pua'i*" ti mai ding ihui. Zia gual a chu i hung pauchap dawka thei phat uh leh Lalpa'n thagau mantu, Lithuk lam a len sep dingin ei sawlna hechian deu deu hi tiu. Tichun mantu hita ding i hi' u.

Lalpa thumat hi i damsung pumpi ah ama umpina hiatna chu a hi. Lalpa'n simtu zosia a thagau in umpi ta hen, Amen.

ngaisia la hi kha maithei, ahin, Peter in a lawsap dan a sep gimdan, Lalpa ahil a, la buaina, la lawsapna Lalpa'n ahia a hi. Lalpa'n la lampi hun siam zan piak di a hi.

3. LALPA THUMAT LAW TINNA A HI: Lalpa Jesu'n Peter lithuk lam zuan ah sanga man dingah a lèn sep ding ah a hil nung inle Peter lunggil lauthawngna a um zing a, himaleh Peter chu ginna hung paudawk, "*Hotupa, la thu'n lènte sep kit ing ka,*" ti'n a lèn chu a sep ngal ta a hi. Lalpa'n Peter thumang tak a anasep chu amalzawl in, a lèn chu sanga tam tak a khukhak sak ta a hi. Bible in ei hil gualin a lènteu chu ek diak diak hial khawpin sanga a tam ah tam aman uh a hi. Lalpa malzawl na chun Peter leh a lawite chu thamuanna apia, ama Peter ngei le atitlo dan a kimudawk

hial a hi. Thupil chun, "*Lalpa malzawl na chun a hi hausa sek in lungngaina a belap ngai pua'i,*" (*Proverb 10:22*) a ti gualin Lalpa malzawl na chun mi akipaksak in, a hi lungngai pua'i.

Zia gual a Peter lawtinna thuguk chu thildang zia k hilo in lei leh van leh a sungah um zosia siamtu leh neitu, Lalpa, a lawng sungin a um a, ama thu a mat zia kin a hi. Ei haw hinle i nisin khawsak nau leh kalsuanna ahin Lalpa dawngin ama thumang le'u hin lawting ding i hui a hi.

4. LITHUK LAM ZUAN IN LÈN SEP IN: Jesu'n Peter kiang ah lithuk lam khel a se sakna zia k hi dingah kilang chu ahileh a lidawna (thûklona) lam a chu sanga tamlo, sanga lian le a um pua hina. Ahin tuilithûk lam ahin sanga atam a, alianle a

ding ah hung a hi dan a gen a, Pastor chun a hung nasep pat dan a dawng a, nupi sung ah thagau buak chun zia nupi la chu tangval pakhat tawh kaki etla sak a, sex ah a hung kipawl ua pat ka khut nuai in a um ta'n, ama mangcha zia numeite insung leh kochuam ah buaina tamtak tun ah nasem ka hi, pawt thei puang ka a hun ti ta mai a, Pastor lungna chun nasa zaw diak ah a naw zia kin a pawt daw k tho tho ta'i.

Zia gual ah kochuamte do ding ah thagau buak nasep dang tampi tak le a um hi. Setan pawl ah a la pang, hung piangthak pakhat in a chanchin a genna a chun ama chu Biak in kai taima ma ma ziang, kochuamte entha zing kawm ah a suksiat theina ding lampi hawl ah a lawite tawh kiho khawm zêl uh a hi dan a gen hi (Lamka sung ah). Thagau buak hingal, Thagau Thiangtho gual ah hung kisiam ah, lim leh lamna munte leh tisa utna, kietlana mun ah siam mai thei thagau chang le a um thei hi. Chuleh

lawi le pai te bawl man man ah thagau lam ah tui bek lo ah le kichawp vel thei a hi. Thagau Thiangtho nasepna a chun kuama a kichang zial umlo in nisîn in temple ah a kipawlkhawm sek u'i. Thagau chang sangtak hingal ah Biakin kikhawpna lam ngaisak bek lo ti chu thil dik thei in a kilang puai. Thagau Thiangtho nasepna a chun lungthim munkhat in a um ui ti a hi kit hi. Kochuam kipumkhatlo, kichuam bawl na umna hi chu Thagau thiangtho taksap zia k a hi.

Awle, i gam ah halna leh limna meikuang hung kichaw kai pan pan ta hi in a kilang a, chuti a hi zing lai in melma pa nasep na'n thagau buak mang cha zia limna chu a diklo lam ah kailut tei tei gua nasa takah pan la zing a hi ti hezing pum in limna dik, Thagau thiangtho a kipat hung pawt ngei chu chan gua'n pilvang tak leh theitawp sua in halna meikuang sem kuang zel dingin kipan chiat hi tiu.

Pentecost sermon

THAGAU THIANGTHO - Hinna Piatu*(Gen. 1:12; John 3:5-8)**Rev. Jerry Zoliansanga
i/c Lamka Pastor Bial*

Pentecost Ni i ia tung kit ta ziang mai ua. Pentecost Ni hi Kristiante â ding ah hun pawimaw tak, Kochuam hung din patna gual ah gen a hi. Judate'n Penticost kut a mang sek ua. Penticost kut chu a kut te'u lak ah pawimaw tak, bu leh bal ah Pathian malsawmna a dawn ziak ua kipakthu genna a hi. Pawltâk kut a hem, chawlkal kut a hem tiin a gen bawk u'i. Penticost chu sawmngana tina a hia. Chiakan kut aptin ni sawmngana ah a mat sek ziakun Penticost a ti uh hi.

Khristian masa ten Pentecost ni a mat laiun a chungun Thagau Thiangtho a hung tung a. Penticost ni ah gingtute chung ah Thagau Thiangtho a tun ma hin mimal chungah Thagau Thiangtho a tung sek hi. Pentecost ni a hin chu a um khawm lai un Thagau Thiangthoin a pâwl a, a lêng ua chung in Thagau Thiangtho a hung tung ta a hi. Zia Thagau Thiangtho hung tung chun simna dik a phut ah. A thawm uh hia ah hung kikhawm te chun a gitlo zia'u kihiadawkin "a

lungthim uh chu cheicha sut gual a hung hi ta'i". Simna leh soal ngaidamna changin baptisma a chang ta bawk uh a hi. Thagau Thiangtho chun gingtute a chenchil a, a suhangsan a, a pui a, a thamuan sek hi.

Lal Jesu a mat ua, Khraws ah a khetdên ua khan a lungkhamin a thavai ma ma'u a. A um khawm unle mite hiat a lau ma ma'u hi. Thagau Thiangtho a chan ua pat khan chu a hung danglam ta'i. Hangsan takin thu a gen

chanchinpha a hilta a hi. Zia hun a chun, Peter thilnei Lalpa'n a mat thei dingah a kianga um sun chu kuang chu ahi. Peter kuang mangcha in chanchinpha Lalpa'n a hil, a gen gualin nang leh kei thilneite Lalpa'n mipite, chanchinpha he nailote'n hukdamna amutheina dingun a mang nuam a hi. Peter in a kuang amatsak gualin ei haw le i thilneiteu Lalpa mat dingin lân hitiu. I lunggil teu Lalpa lam in kihawng in, i lunggil mun teu a hawm hi thildang lua saklo in "Lalpa Thagau Thiangtho'in a lua dimna dingin. La phuaktu, Pu Hyder in ka Lungthim gitlo buak nung hi, La Temple chansak in....." a ti gualin ei hawn le zia guual hin pauchap hitiu.

2. PETER LEH A LAWITE MILAWSAM A HIU: Peter leh alawite chu zia zan a chun a nek hawl nau

chu a lawsam del mai uh a hi. Khut ngawn ah inlam ah chia gua in a lêng teu a sawp thiang tau a hi. Chutia dil pama a lêngteu a sawp lai ua chun mipi a tam ah tam, Jesu thugen ngaitha dingin dil pama Jesu umna chu ahung ua. Mipi chun Jesu chu a um hut hut ziakua chun, Jesu chu Peter kuanga chu chuanguin thu agen a, a thugen zaw phatin, Peter kiangin "*Lithuk lam zuan in sanga man dingin la lêng sep in ti in thu a pia.*" Zia a thugen chun Peter lunggil a sukkhak zia kin, Peter chun le a lêng chu sep ziang lo in, a lawsap dan a hun gen lang zaw ta mai hi. "*Hotupa, zan khua'n gimtak in ka pang tau in bangma ka man puau hi,*" atia. Peter chu milawsam a hi a kihia, Lalpa kengbul in a ki puang bawk a hi. Simtu dawitak nangle Peter gualah gimtaka na sem, lawsam, lunggil ki

LITHUK LAM ZUAN IN LÊN SEP IN

Bible changtel : Luka 5:1-11.

Rev. T. Zuanlal

Bible chang i taklatnau sung ahin Jesu thugen ngainuam in mipi tam takin a um hut hut lai in ama Jesu chu Galilee dil pam in a ding a, zia dil pam a chun lawng pani a awng a um a. Jesu le Simon Peter lawng(kuang) pen a chun a luta, Simon kiangin luigal apat tuilakah tawl lut dingin a dawn a. Zia kuang sunga chuh chuang pum in mipite chu thu ahil ta a hi. A thugen a zaw phat in, Peter kiang in kuang chu lithuk lam a tawl lut ah, len sep dingin thu a pia ta a hi. Chutia lên sep dingah a hil phat a chun, Simon Peter chun, Lalpa kiang a chun, “zan khua'n gim takin ka pang tau in, ahin Hotupa, la thu'n lên sep ingka” ti'n a lên chu a sep ngal ta a hi. A lên chun sanga tampi tak akhu a lên le a ek diak diak hial mai hi. Sanga chu kuang pani dimset ahia, sanga chu a gik bek ziakin kuang chule a tum vang vang mai a hi.

Zia thilmak chu Simon Peter in a mu chun, Jesu kengbulah bawkkhupin “Lalpa ei nusia ta'n migilo ka hi” atia. Simon lawite Zebedai chate Jakob leh Johan in le mak a sau a hi. Jesu'n, “lau kin tukhel chu mihiam man ta ding la hi,” atia. A kuang teu, khawmual a tawldawk in bangkim nusia in Jesu a zuitau a hi.

Zia dil a Jesu zala Peter a lawsapna chung a lawtinna thu tawcha in a nuai a gual ahin holim hitiu.

1. SIMON KUANG IN A LUT HI (CH. 3) Peter kuang hi a ngawn (a awng) a hi ziakin Lalpa Jesu chu, kuang sung a chuh chuangin mipi ama um hul hul te chu

ua, Vaihawmtute'n Jesu thu gen talo ding ah a vau lai unle “Ka thil mu'u leh hiat hi gen lo in ka um thei lo uh a hi” tiin hangsan takin a dawnhu ngam tau a, a chiana'u zosia'n Jesu chanchin a gen ta zêl zawu a hi.

1) Thagau Thiangtho chu Pathian a hi: I thugin Number 3-na ah chun Pathian ah chun mihing pathum- Pa, Chapa leh Thagau Thiangtho a um thu'u a gen a. A pathum un Pathian pakhat a hiu a. Hina kibang, thilhitheina leh lopina ah kituk a hi'u. Thagau Thiangtho chu mihing mai hiloin Pathian a hi. Gen. 1:2 ah chun ‘Pathian thagau chun tui chung te chu a awp zing’ ti i mu. Gen 1:26 ah chun “I kibatpi in mihing siam hi ti'u” ti te i mu bawk uh hi. Thuthung Thak ah Pa leh Chapa leh Thagau Thiangtho pakhat gual ah genna tam tak ah i mu bawk uh hi. “Pa leh Chapa leh Thagau Thiangtho min ah chun baptist un la” ti ah Lal Jesu thu gen te, Paula'n “Jesu Khrista zangaina te,

Pathian hepina leh Thagau Thiangtho pawlna te chu la leng ua chung in um hen” ti ah malsawmna agen i mu bawk uh hi. Chun, Thuthung Lui leh Thuthung Thak mun chuam chuam ah Thagau Thiangtho leh a nasepte Pathian thu leh a nasep gual ah gen lat a hi” Thagau Thiangtho thê'm chu Pathian thepna a hi thu te ki mu bawk hi (Tirh. 5:3). Pathian chu Thagau a hi thu te i mu bawk a. Zia zosia hin Thagau Thiangtho chu Pathian a hi ngei hi ti a taklang a hi.

2) Bangkim siamtu leh hinna petu a hi: Thagau Thiangtho ti hi Thuthung Lui ah a lang tam lo ma ma'i. Mun ni bep ah mu a hi (Sam 51:11; Isaia 63:10-11). Pathian thagau, Lalpa thagau ti te hi mu thei kit te chu a hi. Zia te hi Thagau Thiangtho genna paukam chiat ah ngai a hi. Thuthung Thak ah chun mun tam tak ah i mu'u. Thagau ti hi a paumal bul lam ah a umzia chu - hi/sep, thil hina a hia, hi/sep chu hinna bul, hinna

siamtu a hi. Mihingte'n le i septheina a tawp chun mithi i hi sek uh a hi. I sep thei liai liai sung chu mihing i hi na lai a hi. Hui hile thil susiatu leh suhingu a hi. John 3:8 ah chun Jesu in Nikodem kiang in "hui chu a nawpna lam lam in a nung sek hi, a git la hia, maleh khawi apat ah hung, khawi achia ding ti la he paw ngal a" a ti gualin a thawm leh a nasep i hia, maleh i mit un a mu lo hial a hi. Ziagual ma chun Thagau Thiangtho chu thilhitheihna lopi tak nei, hinna petu leh siamtu a hi.

3) Thagau lam hinna thak ei petu a hi: I lungthim a hin sia leh pha a kido zing a. Ziagual chu a hi laiin Thagau Thiangtho chun Pathian dawi lam ei hiattsak a, Jesu Khrista ei kawkmua, hukdamna bukimin ei siam a, eimau ah felna ga chitin ei suasak sek hi. I Pathian thu chun "Thagau ngei chun i thagau tawh Pathian chate i hi'u ti ei hiat sak sek hi" a ti (Rom 8:16).

Thagau Thiangtho chun mihing chu a bukim lona te, a fel lona te a hiatsak a, zia Thagau ma chun Khrista ziak ah thagau a piang, kumtuang mi hina ei hiatsak a, Khrista ah siamthak a hung um in, hinna thak i hung nei ta'u a hi.

4) Ei suthiangthotu a hi: Mihing hi gitlona lam nai zing, gitlona'n a chup zing leh ngaituana le soal lama chia zing sek a hi. Khrista tatna zâl ah Thagau Thiangtho in ei hin sak hin i taksa'u soal ah puk ta, se ta, buakkai ta kha hun tungdingin a siam thak kit a, soal lak ah patin nisin a hithiangthoin a siam thak kit sek a hi.

Zia gual chun Thagau Thiangtho chu soal leh buakkai i hina'u a pat ah ei hithiangthotu, hinna ei petu, Khrista kiana ei puitu a hung hi ta a hi. Gingu masa te Thagau Thiangtho in a pawl a, a pui sek gual khan ei uh le Thagau Thiangtho pui ah um zêl thei dingin zia Pentecost ni ah hin kilan thak chiat hi ti'u.

dawthei takin ei ngak ah, i gitlona'u thaimang dingin ama a kipia zing hi. Zia hepina chu Pathianin i khantona dingua ei guat piak chu a hi. Lei leh van ah mi hampahpen i hi theina dingun Pathianin zia hukdamna chu ei guanggal piak a, zia thuguk chu hiatthiam mai chi a hi pua, i thil tuakte apat (experience) hiatthiam chi bep a hi. Zia gual ah kochuamte'n kali suan zel uh chun khantona dik leh to takin khanglian ding i hi'u. Ama, i Lalpa'u Jesu ei tiam ah chang ngei ding i hi'u.

Lal Jesu Khrista hiatna: Khawvel pilna leh hausakna leh masawna hi loin i Lalpa'u Jesu Khrista hiatna ah i khan uh a kul hi. Zia sem ding ah chun nasep chanchin i zil ua, i kipiak pei uh a pawimaw hi. A lian a neu, numei pawsal, i lungun Lal Jesu chu i hiat ma ma uh le hithe in ah. Himaleh, bil leh kam ah hiatna bep hiloin Hinna hiat chianna hi i khantona ding uh chu a hi.

Zia gual ah Lal Jesu hiatute chun khawvel hi nei guan a sêm ngai puau ah, zaw ding guan a sêm zaw sek

u'i. Khawvel thil ah hausatna huaikhawm loin zia hausatna hi Pathian â dingin mat thei dan ding lampi a hawl zaw sek u'i. Pathian kochuam hi mani hampahatna dinga mat gua loin, kochuam a dinga phachuam dingin a mau a kipia zawu hi. A law'u chu kipakman ah ngaiin Pathian kiangin kipakthu a gen zaw sek uh hi. Khrista hi i hinna'u ah i hiat takzet uh chun genthei ngai pua'i tin uh, khanglian zêl zaw ding i hi'u. Zia chu Pathianin ei tep piak chu a hi. Hungun Manipur Area sung ah Kochuamte hin Khantona dik chu zilin bawzui hiti'u. Chutileh sunglam thagau khantonain ma pui intin, mutheiin hung lang mai in ah. Muthe leh mutheilo siamtu chu Pathian a hi ngal ah. Thagau ah tasam leh kisikte chungin Lalpa'n a hanta a latsak sek hi. Hatlo hi kihia ah ama zuantute kiangin thagau tuihing lui Lalpa'n a pia sek hi. Ziagual ah khantona chu Van dawi dan ah khantona a hi. Zia ngei chu i kinepna'u hi hen.

Lalpa'n mazawl ta hen.

KHANTONA DIK*2 Peter 3:18**Upa K. Vanlalaua
Melriat, Aizawl*

Pathian hepina hi a sangin a lopina lawm lawm e! Hiat phaklo gam ei chawt sak ah, phulo dinmun ei siam piak ah, lêng leh lalte dinmun ah ei langkai hi ka phulo tak zet hi. Hun chawmcha sung ah Hinna Vâk ah thu zik thei ding ah hun lemchang ei siam sak tu Pathian kiangin kipakthu ka gen hi. AS leh a seppite chungin le ka kipak takzet hi.

Manipur Area
masawna muin Pathian
nasepna a kilang a, hotute
leh sêmtute a hapan u'i ti a
kilang chiang ma ma hi. Kum
1 bep ka pawtsan nung a la
lak ua Pathian thu gen theina
hunpha lei siam piak uh hi ka
kipak tak zet hi.

Thumatna: Sung lam leh
pawlam ah i khan theina ding
ua Pathian leh vaihawmtute
thu mat hi a hi. Thumatna
ziakin Khrista'n hukdamna
na ei sep piak a, a thu zawmin
i ging ah hi. Lal Jesu thu
zawmin a na i sem sek u'i.
Ama gingtute chun taksa leh
thagau ah taimat a ngai hi.
Pathian thu i zawp theina
ding chun Thagau Thiangtho
kochuam ten i mamaw sek
u'i. Pathian thu zawp chu a

dawilam bawl hi a hi. Pathian
dawilam bawl thei ding chun
Khrista nasep leh a hindante
ettawn ah Pathian guat puitu
leh hotu te thu i zawp uh a
ngai hi.

Mani a ding khawl
khawm tup ah nasemtu i hi
khak ding uh hi a lau um
khawm mai hi. Zia khawvel
ah Pathian thu khawksak
lo ah khawvel mite hi dan i
ettawn uh hi a thiango a hi.
I hinkhua'u ah Jesu lalpen ah
i nei zing uh hi a pawimaw,
zia hi Pathian dawî gual ah i
khanlet theina ding uh chu a
hi.

Khrista hepina: I
hukdampa'u Lal Jesu hepina
hi a lopi na lawm lawm e! Thi
ding i hi laiun le a hepina'n
ei hukdam a, ei enkawla,

**REV. THANGKAI LEH REV. LUNGPAU
APAT ZILLAI***Rev. K. Jama Vaiphei
i/c Leilon Pastor Bial*

Israel ten Abraham, Isak leh Jakob a gen gen gual un,
ei hawn le Pu Thangkai leh Pu Lungpau ti hi Pathian thu leh
lekha lama i holim phawt ua leh a thunawn ah i mat ziang uh
tawbang a hi. A hi di male a hi, a ziak chu :-

**1. Amau tegel Missionary
ten a hawl daw uh a hi
pua, a mau in Missionary te
a va hawldaw uh a hi**

A ziak chu Manipur
gama kuaman lekha sim
di a um hi ti a hiat mau a,
lekha kiti (zik leh sim) thei
di Aizawl ah a um hi ti hia,
zil nawpna lungthim a nei
ua, tangval thim nung a
kenga chia ah lekha sim di
dan lampi a va hawl uh chu
ngaitua leh a chiana di lam
uh chu thukhat, a nutsia
diu a cha a nau teu chun le
baithamin a phal na diam uh?
Tulai miten i in kiang ah, i
khua sunga School/College
kai a lekha sim peilo i tam
zing lai ua, kikawmtuana
lamlian le um nailo, gari tung

nailo, mel hiatsa le um lo a, a
hiatna dawî nau in aphut hat
ziaka haksatna leh zachatna
zosia gainep ah a chia tung
ziang dan uh hi ngaitua leh a
thupi ta lua'i.

**2. Khristian masa bep a
hi puau a lekha thiam masa
pente a hui**

Lekha a va sim ua, a hiat
nau chu Pathian leh Kochuam
ten a phatchuam pi theina
dingun, 1911 kumin Pu
Watkin Robert tawh kithua
in i pu teu chun Mizo a umsa
chu entawnin eipauin A,AW,
B Bu (Vaiphei Primer) chu a
hun siam ua, zia chu Southern
Manipur a Literature um
masa pen a hi ta'i. Lekha
sima a va hiat uh bep hiloin

midang ten le a sim leh zik a hiat ua, Bible leh Labu a sim thei ua, Pathian a hun hiat diu chu a tup uh a hi. Assam leh Burma ah Missionary lut masa ten a la thil tup uh chu Pathian in a mang zawm zêl ta'i. Sappau in gen di hi le hin, *"They are not only the first Christian in Sourthern Manipur Area, but also the father of Literature."* Bang zia in? Pu Savidge leh Pu Lorain in A AW B Mizo pau ah ala bawldaw uh chu mi zosia'n a va sim pha pua, ei Manipur pau chuam chuam inle a mau tegel zia kin i hun nei thei khawlaw' hi. I gam leh i kochuam a din thilpha phachuam bang i bawl thei a um em? Bible bumal Johan zik leh Labu le a mau hun bawl masak a hi.

3. Bang taw bang ah hang san a hui em?

Kei neu lai 1960-70 kikal vel ale, police leh Sepai genlo, meiteite khualzin vak tua i mu leh le i lau zia kin a i ek suak ziang nalai a hi.

Lekhathiam a ho thei di leh sapte thu neina counter thei di leh a ngam di 1908 vela a umlo di zia mai chu! Baptist Missionary Petigrew in Ukhrul Area lama a sep zia kin British sawlkar in Baptist Area dana a kawi, a mau inle sem sêng lo, government thuneina leh a gam mi huatna dite phu ngam a, Senvon hausa za-umtak Pu Khamkholun Singson chialna sulawting dinga Sap Tangval Manipur ah a vak puilut ngam ziang chu a kopa le a hangsan a, a puilut tegel leh Lushai Hills apat gingtu masa a mau hun zui ngamte haw chu le a hangsan na lawm uh e ! Lalpen Sepai hangsan a hui maw?

4. Pathianin talent chuam gel a pia'i

I Korinth 12:1-31 ah i mu gual un i puteu kha a vainung lamin Pastor hung higel maleu a hun masa lam un Rev. Thangkai kha skul Teacher (Evangelist Teacher), Rev. Lungpau kha sawlchak

(Itinerant Evangelist) a hi. Khat in skul in naupang lekha hil leh Pathian thu hil a thua a, khat khaw chuam chuam in Pathian thugen in a vak vel vel hi. Kum 1917 ah Senvon ah Khawmpina Evan. Thangkai chu thugentu khat inle apang hi. A sepna gel ua khan kipumpiak takin na a sem zel mai u'i.

5. Thianthona leh Pathian theu zawpna lama

Pu Thangkai chanchin kigenna khat a chun a zintunna zibel hun pawlut chut chut khan, "Zinpa ei hung sawt tia" a ti leh, "Lalpa'n thil thiango him him khawi kin a ti a hi" a ti khen a dawp thak piak nuam pua'i a tiu. A in ua anne hingal a, vak sawt ziang di awm tak himaleh zia nu (tunna nu) mai sang in Lalpa dawidan kha a kawisang zaw'i.

Khatvei chu Pu Lungpau huan thampi lui dung a um chu a kang in, mi'n a halte liausak phalo di

maw, a tiu leh, 'Mi gilo thuk kin, keima'n thuk na'ng ka' ti ahia liausak angai pua' a ti hen, a pawna lo gualin a um ziang hi a tiu.

Rev. Thangkai leh Rev Lungpau beplo le gingtu masate leh Sêmtu masate haw kha i ngaitua le a mau hiatna tiang tiang leh phak tawk in a ki pumiak ua, Pathian ni a ngaikhawk ua, Pathian thu a zawm ua, a ngawl gualin thianthona leh Pathian thu zawpna lamin a ti tak uh a hi. Amau tegel hinkhua apat hin ettawn di lam chuam chuam in nei ngei hitiu in, a hun leh phat kibang talo maleh Pathian le a ki bang zing a, a dawidan leh a ki bang zing a, sep dan vang a kisang danglam zel khenkhat um lo theilo um nan a. *'Mihiam in pakcha lo maleh Lalpa'n pakcha lo ding ngaikin'* ti hi a dik zing laiin *'Mihiam in pakcha maleh Lalpa'n pakcha puana'* ti le um kit ina.